

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

U G O V O R **O NABAVCI RADOVA I ROBA ZA UREĐENJA POSTORA DIREKCIJE**

između:

JAVNE USTANOVE "APOTEKE SARAJEVO", Sarajevo, ul. Kranjčevićeva 29, ID: 4200280090003, koju zastupa generalni direktor Nedim Hrelja mr. ph. MBA (u daljem tekstu **Naručilac**)

i

H.M.I. Inženjering d.o.o., sa sjedištem u Sarajevu, ulica Ismeta Alajbegovića Šerbe 12A, PDV:200178640007, koje zastupa direktor Goran Dizdar (u daljem tekstu **Izvođač**)

I PREDMET I CIJENA

Član 1.

Predmet ovog ugovora je kupovina radova i roba za uređenja prostora Direkcije, u skladu sa zahtjevima **Naručioca** i ponudom **Izvođača** broj: 16-A-02/20 od 14.02.2020. godine, koja je sastavni dio ovog ugovora.

| | |
|-------------------------|-------------|
| Ukupna cijena bez PDV-a | 5.948,50 KM |
| PDV na cijenu ponude | 1.011,25 KM |
| Ukupna cijena za ugovor | 6.959,75 KM |

II ROK I NAČIN ISPORUKE

Član 2.

Izvođač se obavezuje da će isporučiti radove i robu iz člana 1. ovog ugovora na lokaciji sjedišta **Naručioca**, u roku do 10 (deset) dana od dana zaključenja ugovora. **Izvođač** će **Naručioca** blagovremeno obavijestiti o prispjeću isporuke.

Izvođač je obavezan da **Naručiocu** nadoknadi štetu zbog neblagovremene isporuke robe i radova, izuzev u slučaju više sile, poremećaja na tržištu, razloga koji je skrivio **Naručilac** i drugih okolnosti na koje **Izvođač** nije mogao da utiče, kao i nastalu štetu zbog neisporučene količine robe i radova koji su poručeni.

III KVALITET ROBE I RADOVA

Član 3.

Izvođač garantuje da će **Naručiocu** isporučiti robu i radove odgovarajućeg kvaliteta i propisanih standarda, u protivnom, **Izvođač** je obavezan da **Naručiocu** naknadi pretpjelu štetu.

IV KVALITATIVNI I KVANTITATIVNI PRIJEM

Član 4.

Naručilac će vršiti kontrolu kvaliteta kod preuzimanja robe i radova. Reklamacija na isporučeni kvalitet robe i radova se mora pokrenuti najkasnije do 7 dana od momenta prijema.

Član 5.

Isporuku robe prati određeni dokument (otpremnicu), koji mora biti propisno ispunjen i ovjeren od obje ugovorne strane.

Dokument iz stava jedan ovog člana čini sastavni dio fakture.

Član 6.

Kvalitet isporučene robe i radova Naručilac utvrđuje prilikom prijema, uz prisustvo predstavnika Izvođača, na uobičajeni način.

Član 7.

Ako prilikom prijema robe, Naručilac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Naručilac je obavezan da eventualni reklamacioni postupak na količinu isporučene robe i radova pokrene najkasnije tri (3) dana od prispjeća istih na adresu Naručioaca;
- Izvođač se obavezuje da uzme u postupak sve eventualne reklamacije prijavljene od strane Naručioaca po svakoj pojedinačnoj isporuci.

V NAČIN I ROK PLAĆANJA

Član 8.

Za isporučenu robu i radove iz člana 1. ovog ugovora prodavac odobrava kupcu odloženo plaćanje na 30 (trideset) dana od dana isporuke robe, pod uslovom da nije bilo reklamacije od strane kupca.

Uplata se vrši na transakcijski račun prodavca naznačen na fakturi.

VI SAOPŠTENJE I REKLAMACIJE

Član 9.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 10.

Pravo prigovora, odnosno reklamacije, naročito se odnosi na slučajeve:

- isporuke naručene robe i radova neodgovarajućeg kvaliteta,
- neblagovremene isporuke robe i radova,
- isporuke naručene robe i radova u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VIII TRAJANJE UGOVORA

Član 11.

Ovaj ugovor se zaključuje na period od 20.02.2020. do 20.03.2020. godine.

Član 12.

IX PRELAZNE I ZAVRŠNE ODREDBE

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 13.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 14.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

JU „Apoteke Sarajevo“
Nedim Hrelja mr. ph. MBA
Generalni direktor

H.M.I. Inženjering d.o.o
Goran Dizdar, dia
Direktor

Sarajevo, 19.02.2020. godine